



ХАВАР

Ўзбекистон почта ва телекоммуникациялар агентлиги нашри

1992 йил мартдан чиқа бошлаган

2000 йил, 2 июнь, жума № 21 (404)

Сотувда нархи эркин

ХАЙЪАТ МАЖЛИСИДА

Ўзбекистон почта ва телекоммуникациялар агентлигининг навбатдаги хайъат мажлиси бўлиб ўтди. Уни агентлик Бош директори Ф. Абдуллаев бошқарди.

Мажлисида қатор масалалар қуриб чиқилди. «Почта ва телекоммуникациялар соҳасида меҳнатни муҳофаза қилиш ва техника хавфсизлиги масалаларининг аҳоли ва уларни яши-лаш бўйича соҳа компания ҳамда ташкилотларининг вазифалари туғрисида» Фан-техника ва маркетинг тадқиқотлари маркази бўлим бошлиғи В. Коваль маъруза қилди. Маърузачи акционерлик компаниялари ва купгина алоқа корхоналарида меҳнатни муҳофаза қилиш ва техника хавфсизлиги бўйича гуруҳлар ташкил қилиниб, мутахассислар ўқитилгани, бироқ

бу ишга айрим жойларда яхши эътибор берилмаётганлигини айтиб ўтди.

«Телекоммуникациялар секторини хусусийлаштирилиши ҳолати туғрисида» Агентлик бозор ислохотлари ва қимматбаҳо қозғалар бўлими бошлиғи Х. Соатовнинг маърузаси тинглан-ди. Маърузачи 1998-1999 йил-ларда почта ва телекоммуника-ция соҳасида акциялар тарқатилиши борасида олиб бо-рилган ишлар хусусида сўз юритди.

Курилган масалалар юзаси-дан қарор қабул қилинди.

ЎЗ МУХБИРИМИЗ

АЛОҚАЧИ ФУТБОЛЧИЛАР БЕЛЛАШАДИЛАР

Ўзбекистон Республикаси Мустақиллигининг 9 йиллигига бағишлаб «Соғлом авлод» йили муносабати билан Ўзбекистон почта ва телекоммуникациялар агентлиги ва Республика алоқа ходимлари касаба уюшмаси Марказий Қўмитаси мини фут-бол бўйича мусобақа ўтказиш ҳақида қарор қабул қилишди. Ушбу қарорга асосан Тошкент шаҳар алоқа корхоналари ко-мандалари уртасида мини фут-

бол бўйича мусобақа ўтказила-диган бўлди. Мусобақалар уч ой давом этиб, алоқа корхоналари-дан 16 та жамоа узаро белла-шиш учун майдонга тушадилар. Голибларга Мустақиллик байра-ми арафасида агентлик ва каса-ба уюшма Марказий Қўмитаси-нинг кўчма кубоги топширила-ди. Шунингдек, голибларни дип-ломлар ва қимматбаҳо совгалар кутмоқда.

И. АХМЕДОВ

ЙИГИЛИШ ЎТКАЗИЛДИ

«Халқаро Телеком» акциядорлик компанияси акциядорларининг умумий йиғилиши бўлиб ўтди. Йиғилишда Ўзбекистон почта ва телекоммуникациялар агентлиги, Республика алоқа ходимлари касаба уюшмаси Марказий Қўмитаси, Ўзбекистон Республикаси дав-лат мулк қўмитаси, «Маҳаллий Телеком» АК вакиллари ҳамда ко-мпания тизимига кирувчи корхона раҳбарлари иштирок этишди.

Йил якуни бўйича Ўзбекистон почта ва телекоммуникациялар агентлиги Бош директорининг биринчи уринбосари, «Халқаро Телеком» АК Қўзатув Кенгаши раиси В. Л. Штейнберг маъруза қилди. Компания 1999 йил якунлари бўйича фойда билан чиқди ва 50 фоиз валюта тушумларини сотиш мажбуриятини ҳамда экспорт ре-жаларини бажарди.

Кун тартибидеги масалалар бўйича йиғилиш раиси В. Л. Штейнберг, «Халқаро Телеком» АК бош директори М. А. Холмурато-ва, Тафтиш комиссияси раиси Б. И. Рустамов, Тошкент телефон-телеграф станцияси бошлиғи М. Ш. Зоҳидов, Республика радиоалоқа, радиоэшиттириш ва телевидение ишлаб чиқариш бир-лашмаси бош директори М. Б. Отамухамедов, Республика алоқа ходимлари касаба уюшмаси Мар-казий Қўмитаси раиси Т. Н. Назарқоновлар сўзга чиқишди.

Курилган масалалар юзасидан қарор қабул қилинди.

Хамидулла
ХОЛМУХАМЕДОВ,
«Халқаро Телеком» АК
бўлим бошлиғи

АЗИС МУШТАРИЙЛАР!

«ХАВАР» газетасига 2000 йилнинг иккинчи ярим йил-лиги учун обуна давом этмоқда:

Нашр кўрсаткичи:

Яқка тартибдаги обуначилар учун 227.

Ташкилот ва корхоналар учун 228.

Ҳар ҳафтанинг муборак жума куни «Хабар»ни олиш-га шоҳининг!

Самарқандда волейбол бўйича эркақлар жамоала-ри уртасида Ўзбекистон биринчилиги учун V тур уч-рашуви якун-ланди.

Унда «Муал-лим» (Тош-кент), «Қорақалпоғистон» (Нукус), «Кеш-кристалл» (Шахрисабз), «Прогресс» (Зарафшон), «Самарқанд Телеком» (Самарқанд) жа-

моалари узаро беллашди-лар.

Қизиқарли ўтган белла-шувлардан сунг самар-

Мусобақа сунггида Ўзе-бекистон Республикаси волей-бол федерацияси раҳбари Леонид Айрапетянц иштирок

«САМАРҚАНД ТЕЛЕКОМ» — ЯНА ЧЕМПИОН

қандлик волейболчилар бар-ча учрашувларни муваффа-қиятли ўтказиб, бешинчи ма-ротаба Ўзбекистон чемпиони деган номга сазовор бўлишди.

этиб, чемпион жамоанинг ҳар бир уйинчисини олтин медал билан тақдирлади.

Зебо ХУДОЁРОВА,
Самарқанд вилояти

МУСОБАҚА ЯКУНЛАНДИ

Бухоро алоқа ходимла-ри уртасида волейбол, мини футбол бўйича ви-лоят спартакиадаси бўлиб ўтди.

Вилоят электралоқа иш-лаб чиқариш корхонаси маъмурияти ва алоқа хо-димлари бирлашган каса-ба уюшмаси қўмитаси ушбу спартакиадани оқ-юқори савияда ўтказди.

Вилоят спартакиадаси-нинг 1-босқичида аёллар

уртасида ўтказилган волей-бол ва мини футбол ўйин-ларида Вобкент туман электралоқа боғламаси жа-моаси 1-уринни, Когон ту-ман электралоқа боғламаси 2-уринни, Гала-осийё электралоқа боғла-маси жамоаси эса 3-урин-ларни эгаллашди.

Мини футбол бўйича эр-кақлар уртасида ўтказилган мусобақаларда «Бухоро почтаси» ҳиссадорлик жа-

миятининг Қоракул фи-лиали жамоасига 2-урин, Когон туман электралоқа боғламаси футболчилари-га эса 3-урин насиб этди.

Спартакиада голиблари Бухоро вилоят электрало-қа ишлаб чиқариш корхо-наси ва вилоят алоқа хо-димлари бирлашган каса-ба уюшма қўмитасининг Фахрий ёрлиқлари, қимматбаҳо совгалари билан тақдирланишди.

А. ИСТАМОВ,
Бухоро вилояти

ЛИЦЕЙДА КАФЕДРАЛАР

Тошкент электротехника Алоқа институ-ти қошидаги академик лицейда 100 нафар бўлгуси ёш алоқачилар тахсил олмоқда. Уларнинг пухта билим олишлари ва малака оширишлари учун ўқув даргоҳида барча шароитлар яратилган.

Чиндан ҳам мазкур лицейнинг ўқув-мод-дий негизи мустаҳкамланиб бормоқда. Олий ўқув юрти профессор-ўқитувчилари ёрдами билан лицей ўзининг информати-ка ўқув хонасига, маънавият ва маърифат марказига эга бўлди.

Институт ректорати лицей раҳбарияти билан бамаслаҳат иш тутиб, бу ерда бир йула учта кафедра ташкил этди. Улар иж-тимоий-гуманитар, аниқ фанлар ва чет тил-лар бўйича машғулотлар олиб боришга их-тисослаштирилди.

ЁШЛАР ТЕЛЕКУРСАТУВИ

Тошкент электротехника Алоқа институ-ти ўзининг радиотармоғига эга. Эндилик-да олий ўқув юртида телевизион қурилма-лардан кенг фойдаланиш тадбирлари ҳам қурилмоқда.

Бу эса талаба ёшлар учун махсус телекурсатувларни ташкил этиш имконини беради. Олий ўқув юртида маънавият ва маърифат ишларини кенг йулга қўйишда

бундай курсатувлар муҳим урин тутлади.

Телекурсатувлар орқали олий ўқув юрти ҳаётига доир муҳим воқеалар ёритиб бо-рилади, баҳс ва мунозаралар уюштирила-ди.

Бу хайрли ишга институтнинг телеко-муникациялар тизими кафедраси бош-қош бўлмоқда.

ИНСТИТУТДА «КАМОЛОТ» МАРКАЗИ

Тошкент электротехника Алоқа институ-тида иқтидорли ёшларнинг маънавий ка-молати йулида қатор ибратли ишлар амал-га оширилмоқда. Бунда республика «Кам-олот» жамғармасининг шу олий ўқув юрти-даги марказининг тутган урни катта бўлмоқда.

Марказ ташаббуси билан «Ётоқхона — менинг иккинчи уйим»; «Талабалар баҳори» каби мавзуларда давра сўхбатларини ўтказиш яхши анъанаса айланиб қолди.

Соғлом авлод йилида марказ институт раҳбарияти билан ҳамкорликда талабалар-ни тиббий қуриқдан ўтказиш ҳамда институ-т тиббиёт бўлимини зарур дори-дармон-лар билан таъминлаш тадбирларини ҳам кўрди.

Марказ талаба-ёшларнинг моддий ва маънавий шароитларини урганиш билан ҳам яқиндан шугулланмоқда.

А. АЛИЕВ

ЖАННАТИ ИНСОН

Кунлардан бирида Пайгамбаримиз (с.а.в.) саҳобалари билан суҳбат қураб эдилар. Ул зот: «Мана шу тарафдан жаннат аҳлларида бир киши чиқиб келади», дедилар. Уларнинг ҳузурига бир киши кириб келди. Иккинчи кун ҳам, учинчи кун ҳам худди шу воқеа такрорланди. Шунда ёш саҳобаи киромлардан бири: «Нима учун Расулulloх (с.а.в.) бу кишини уч марта жаннат аҳлларида деб айтдилар? Бу кишининг қандай ортқ тарафлари бор экан. Нима иш қилар эканларки, жаннат аҳлларида бўлдилар?» деб кўп ўйлади. Ниҳоят, ўша кишини бир текшириб кўрмоқчи бўлди. У кишининг уйларига бориб: «Мен отам билан ўришиб қолдим. Уч кунгача сизникида турсам майлими?» деб руҳсат сўради. У киши розилик билдирди. Уч кунгача ёш йигит бу киши қандай амаллар қилар экан, деб кузатиб юрди. Ҳеч гап йўқ. Эрталаб туриб, нонушта қилди, ишга бориб келиб, яна уз ишлари билан банд бўлди, хуфтон намозини адо этиб ухлагга ётди. Иккинчи кун ҳам, учинчи кун ҳам шундай ўтди. Йигит ҳайрон бўлиб: «Ахир Пайгамбаримиз (с.а.в.) муборак тиллари билан бу одамни жаннати дедилар-ку. Лекин мен бу кишида бизникидан ҳеч қандай ортқча амални кўрмаяман», деб ўйлади. Охири унинг узидан сўради: «Эй

биродар! Сиз нима иш қиласизки, Пайгамбаримиз (с.а.в.) сизни жаннати дедилар?» У киши: «Мана шу куриб турган ишларингиздан бошқа ишларни қилмайман. Кун бўйи машгул буламан. Қош қорайгандан сўнг уйкуга кетаман», деди.

«Йуқ, тўғриси айтинг», дея эътироз қилди ёш саҳоба.

«Бор ишларим шу. Фақат ёттишимдан олдин узимга узим ҳисоб бераман. Бугунги кунни қандай ўтказдинг? Одамларга қандай фойданг тегди? Кимнинг оғирини ёнгил қилдинг? Агар бугун бирон бир одамни хафа қилиб, ранжитиб қўйган бўлсам, Худо хоҳласа, эртага унинг олдига бориб кечирим сўрайман. «Дустим ёки укам, ёки акам, ёки ўғлим, аёлим, кеча сизни бироз ранжитиб қўйдим, узр, кечирасиз» дейман.

«Ҳа, мана шу амалингиз сизни жаннати қилган экан», деди йигит.

Яъни, бу кишининг қалбида на ҳасад, на ичиқоралик, на алам бор. Бундай олижаноб хислат ҳар кун давом этгани туфайли инсон қалбида бир нуқтачалик қора доғ қолмайди. Шунинг учун ҳикматда айтиладики: «Қиёмат кунда ҳисоб-китоб қилинишингиздан олдин бу дунёда узингиз қилаётган ишларингизни ҳисоб-китоб қилиб юринглар».

«Мусулмонлар тақвим»и китобидан

1 ИЮНЬ — БОЛАЛАРНИ ҲИМОЯ ҚИЛИШ ХАЛҚАРО КУНИ



АРАБ МАҚОЛ ВА ҲИКМАТЛАРИ

Бахт мисли капалак. Агар унинг ортидан қувсанг, у сендан узоқлашади, агар унга эътибор бермасанг, унинг ўзи келиб елкангга қунади.

яхши хизматкордир, унутмоқлик эса қалб учун яхши хизматкор.

Хотира ақл учун энг

Ақлли аёл эрининг камчиликларига бир кўзини ёпади ва иккинчи кўзи билан унга қараб яшайди.

Агар фақирлик (камбағаллик) эшикдан кириб келса, муҳаббат деразадан чиқиб кетади.

Уйланишдан олдин кўзларингни оч, уйланишдан сўнг бирини ёп.

ЯНГИЛАРИДАН ЎҚИНГ

Духтир беморга тилини чиқариб туришни буюрди.
 — Сиз бирон марта тилимга қараб ҳам қўймадингиз-ку, духтиржон, — деди бемор ҳайрон бўлиб.
 — Мен сизга дориларни ёзиб бўлганимча жим туришингизни истадим, — жавоб қилди духтир.

— Гражданин судья! Қасам ичиб айтаманки, мен айбдор эмасман.
 — Хоним, далиллар бунинг аксини исботлаб турибди-ку! Гувоҳлар «Ёш, гузал, ақлли» деб аниқ кўрсатма беришган.
 — О, ундай бўлса бу менман!

Қоронги йулакда қароқчи ёш қизга удағайлади.
 — Яънашани истайсанми?
 — Ким билан?
 — Пулинг борми?
 — Қанча керак?
 — Қани ечин?
 — Сенчи?
 — Сен сурбетлик қилма, мен хизматдаман!

— Айтингни уртоқ милиционер, Сиз тунда ҳам шу ерда тура-сизми?
 — Ҳа.
 — Тунда бу ерда туриш хавfli эмасми?
 — Хавfli булганда турармидим.

— Духтир, — деб сўрайди беморнинг хотини, — бирон-бир нажот борми?
 — Бу нимани умид қилаётганингизга боғлиқ.

Тиш доктори чўнтагингиздаги олтинни олиб, тишингизга қуюв-чидир.
 Албатта, фақат бир қисмини...

— Сен моддаларга қизиксанми? — деб сўради угри шеригидан.
 — Албатта. Ахир мен энди чўнтакларнинг қаерга тикилишини билиб қўйишим керак-ку!

Рўшносларнинг фикрича, кишининг дастлабки каломиданок, кимлигини билиб олиш мумкин экан. Агар телефондаги суҳбатдошингиз:

— «Ал» деса, у ақл-заковатли, кўнгилчан, ҳазил-мутуйбага мойил. Бундайларнинг асаблари мустаҳкам, анча-мунча нарсага жўхли чиқавермайди;

ҚўНҒИРОҚҚА ЖАВОБ БЕРИШНИ БИЛАСИЗМИ?

— «Алло». Бундай кишилар ичимдагини топ қабилида иш юри-тади. Улар билан оғир-босиқ гаплашиб, ортқча эҳтироссиз, мақсадни билдириб қўя қолган маъқул. Шошма-шошарлик қил-сангиз, фақат унинг асабига тегасиз;

— «Алло» сўзининг охириги ҳарфини «у»га ўхшатиб қузиб айта-диган одамлар кўпинча асабий бўлади. Одатда урта ёшларда, аммо латофатлиман, деб ўйлайдиган аёллар ноз аралаш шундай жавоб беради;

— «Эшитаман!» Давлат муассасаларида ишлайдиган баъзи узига бино қўйган расмиятчи одамлар шундай гапирари. Уларга ҳурма-тини келтириб, эгилиброқ муомала қилсангиз, ишингизни бити-риб беради. Акс ҳолда қўнғирқ қилганингизга пушаймон бўласиз.

— «Палончиев эшитида!» қабилида жавоб берувчиларнинг ак-сарияти узига баҳоси балоид кишилар сирасига киради. Бундай одамлар билан суҳбатда бўлганда уларнинг иззат-ҳурматини жой-ига қўйишингиз лозимлигини унутманг.

— «Лаббай!» Бундай жумлани кўпроқ аёллардан эшитасиз. «Лаббай»чилар шошилмайдиган, ишонувчан ва кўнгилчан, сал ваҳимачи бўлади. Бундай кишилар билан ҳамсуҳбат бўлсангиз, ортқча тақаллуфларга берилманг. Барибир унинг қадрига етиш-майди. Шу боис, тезроқ мақсадга кучинг.

М. ЙҮЛЛИЕВА таяёрлаган

• Бу — қизиқ!

ТИШ ДАВОЛАШ ҚАЧОНДАН БОШЛАНГАН?

Бу саволга Вашингтоннинг Смитсон институти олимлари ниҳоят жавоб топиш-ди. Шимолий Аме-рикада яшовчи ҳин-дулар бундан 3 минг йил муқаддам ҳам тишларини давола-тишган экан. Албат-та, олимлар ўз-ўзи-дан бундай хулоса-га келганлари йўқ. Улар эрагимиздан ав-валги 1200 йилга тааллуқли мақба-радан аёл бош сўя-гини топдилар. Тад-қиқотлар шуни кўрсатдики, бош сўякда-ги бир неча тиш тар-киби номаълум бўл-ган цемент қорихма-си билан пломба-ланган экан.

МУАССИС:
Ўзбекистон почта ва телекоммуникациялар агентлиги

Бош муҳаррир:

Шодмон ОТАБЕК

ТАҲРИР ҲАЙЪАТИ:
Шомансур ОБИДУЖАЕВ
Шухрат ЖАББОР
Анатолий КУДИНОВ
Иззат АҲМЕДОВ
(Бош муҳаррир ўринбосари)
Абдугани АБДУРАҲМОНОВ
(Масъул котиб)
Мирпўлат МИРЗО
Рустам ҚОСИМОВ
Қуробой ТҮЛЕБОВЕВ
Ёқубжон ХУЖАМБЕРДИ

**ЖАМОАТЧИЛИК
КЕНГАШИ:**
Саидмаҳмуд АКБАРОВ
Шохрух АКБАРОВ
Ортиқбой АБДУЛЛАЕВ
Меҳмонкул ИСЛОМКУЛОВ
Тўлқин ЛУТФУЛЛАЕВ
Бобоҳон ШАРИФ

МАНЗИЛИМИЗ: 700000 Тошкент-35, А. Толстой кўчаси, 1.
ТЕЛЕФОНИМИЗ: 136-36-42, 136-35-29, 144-29-09.
Факс: 136-36-42.
ИНДЕКС: 64600
ЖУМА КУНЛАРИ ЧИҚАДИ

Мухарриратга келган қўлжазмалар (2 ораликда, 5 бетдан ошмаслиги лозим) ва суратлар муаллифларга қайтарилмайди. Мақолалардаги фикр-мулоҳазалар, келтирилган факт ва ракамлар масъулияти муаллифлар зиммасидадир. Рўйхатга олиш №00011. Буюртма № Г-542. 7127 нусхада чоп этилди. Офсет усулида босилди. Бичими А-3, ҳажми 1 босма табоқ.

**ЎЗБЕКИСТОН
РЕСПУБЛИКАСИ**
«ШАРҚ» НАШРИЁТ-МАТБAA
КОНЦЕРНИ
БОСМАХОНАСИ.
Корхона манзили:
Буюк Турон кўчаси, 41-уй.

Боснига тоширилади — 19.00
Боснига тошириш вақти — 18.00

